



Universitätsbibliothek Paderborn

**De Honore, Dignis Vel Indignis, Jvste Vel Invste, Deo
Semper Jvstissimo, Dato, Negato, Violato**

Stengel, Georg

Ingolstadii, 1650

§. 5. Ephræm inter angustias votum edit religionis.

[urn:nbn:de:hbz:466:1-48689](#)

qui de ponte hominem in flumen deiecit,
cuius vi ac impetu abreptus interiit. Ego
mox ut illuxit, adortus singulos, de singu-
lis quæsiui, qua culpa fuerint comprehensi;
& in neruum dati? Cùm alij cædem falsam,
alius adulterium nequidquam causaretur,
& omnes se innoxios dictitarent, Regredi-
mini, inquam, in memoriam æui antè acti,
& annales vitæ vestræ recognoscite; fortè
iam olim aliquid peccastis, nec dum expiā-
stis. Hic illi fassi calumniam sorori factam,
& ademptam hæreditatem, Tertius depon-
tanum illum à se in aquas præcipitatum di-
xit. Extorta à singulis confessione, aperui,
quæ cognoueram de alijs, qua illi narratio-
ne attoniti formidare cœperunt vindictam
diuinam.

§. V.

*Ephræm inter angustias votum edit reli-
gionis.*

In sequenti die Quæsitor omnes ad publi-
cum Tribunal adduci præcipit; ubi, spe-
ctante toto populo, rotarum gyris adstri-
eti diuque excarnificati facinora sua omnia
ediderunt; cædes, adulteria, calumnias; la-
taque sententia, me præsente, in furcam
acti animas exhalârunt. Quid mihi tuq;
animi

animi, quis sensus ac trepidatio fuit? Lictores enim, age puer, inquiunt, non ita quæstionem, ut nuper, euades; quibus ego externatus mortuo propior, quam viuo videbar. Dein prætor, puerum, inquit, vestis spoliare, spoliatum loris à manibus pedibusque distendite, neruisq; bubulis mactate. Hic ego cælum mille votis oneraui, Deumque infirmis precibus placare conatus, religionem professurum spopondi, si me præsenti supplicio eximeret, & vinculis expedito salutem expediret. Audire mox Dei clementia visa lacrymabiles gemitus meos. Ex Concilio Iudicum primus monet prætorum, ut, si videretur, in aliud tempus cognitionem reijceret meæ causæ. Prandij horam esse, reducor ergo oneratus ferro in vincula, aliosque dies quinque supra viginti in custodia solus exigo. Cùm ecce tibi rursus ille iuvenis (haud dubiè tutelaris Genius) mihi iam tertium adstat & compellans: satisne credis iam, inquit, iusto Dei Iudicio mundum administrari? Nec quidquam contra aquitatem ab eo fieri plus satis, inquam, intellexi *Mirabilia opera Domini, & inuectigabiles vias eius.* Nec enim tantum intellecerat, quam iusto Dei iudicio in carceris sui

Ff 4

socios

socios fuerit animaduersum; sed prima statim vice, qua Angelus ei apparuit, digitum intendit ad caussam tantæ calamitatis, miserum scilicet pecus, quod crebra lapidatione confecerat; quam caussam ipse etiam ceteris captiuis ingenuè detexit.

§. VI.

Ephræm diuinâ prouidentiâ è carcere liberatur, in quem iustissime coniectus erat.

Nam mense uno antè, quām in carcerem daretur, quid fecerit ipse sic narrat. Cū puer, inquit, sanè malè moratus, iussu parentum suburbium peterem, repartam insaltu buculam fœtu grauidam cœpi crebra lapidum insectatione eò usque persequi, donec onere ventris & cursu fatigata concideret. Mortua feris per noctem in prædam cessit. Ego cœptum prosecutus iter obuiam habui iuuencæ dominum, ultimæ sortis & fortunæ hominem, sollicitè pecudem amissam vestigantem, meque peramanter salutantem; rogantemque an aberrantis alicubi bouis vestigia in silua deprehendissem? Ego, ut me extra suspicionem facti ponerem, nullo dignatum responso, insuper etiam contumelijs oneratum dimisi. Altero post mense eamdem viam remetiri iussus in nemore